

沈乃文 主編

明別集叢刊 第二輯

第五十六冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第五十六冊

黃山書社



(明)項元淇 撰

少嶽詩集四卷

明萬曆三年項氏墨林山堂刻本

少嶽山人詩集序

樵李項氏子瞻博學攻文尤長於詩余熟聞之惜未覩也

先帝壬申春爲白嶽之遊歸臻其地符卿戚希仲出而郊勞翌日觴余真如寺子瞻在焉兩家親睦也廼始挹光儀聆警欬而心醉若其高蹈足以遺世恬澹足以引年似得衛生之術而深湛之思可以葆神亡何委化禪榻邈爲酒壚梵鍾悽於隣笛賦詩哀之焚草墓上

項少嶽詩集序

一 墨林山堂

茲季氏子京取其遺稿詮次之勒爲四卷題曰少嶽山人集雜文別行仲氏南考功卽子長爲之序子京附言於末昔夏卿表右丞之編吾孝常彙補闕之集異代同調矣展玩厥序氏原封國童挺帝師自遼徙洛佐漢翊晉代有令聞史不乏書爲越世家我

明若襄毅公勲德並隆文武爲憲詒謀慕服不在茲乎夫樵李者春秋時吳越分境故曰由拳吳之備候塞也論疆界則域盡揚州地苞

吳會考山川則陽抱亘於胥山具區通乎長水項與戚本亦吳人茹言游之華而摘機雲之藻者也余與二君爲鄉人云符卿痛藩政之日敝上書極言下之春官不讐乞歸奉母爲綿上之隱奄隨朝露恨不及泉尋亦哀毀從逝矣孝哉希仲乎子瞻以貲授光祿非其好也按劾宅憂時並不遭年亦中促然希仲不朽者青藜在也少嶽集成足稱雙壁今觀古選冲逸陶謝匹也五言典雅王孟流也七

項少嶽詩集序

二 墨林山堂

字清婉錢卽亞也兼以人爵非榮天真自適開蔣生之徑灌仲子之園結東林之社置北海之尊密友良朋偕之歡賞金昆王季與之倡酬三俊齊名一時獨盛翰墨之精又其餘事耳昔彥昇王文憲集序侈原家風詳述宦履俾彼天授之資獎茲人倫之鑒未揚作者之本受知効德在門宜然乃眷棣華實遵斯軌昭明陶徵君集序夙欽高品深契曠懷謂其詩跌宕超類爽朗莫京橫素波而旁流干

青雲而直上異代賞音匪曰貢諛竊附斯義

序論如左云

萬曆三年歲在乙亥首夏朔

賜進士天官司勲郎 勅僉南中憲使安定皇

甫汴子循撰



項少微詩集序

三 墨林山堂

伯兄少微先生詩集敘

仲弟篤壽謹撰

相古陶唐慶流姬氏兄弟之國五十餘人乃有
肇封于項居遠之西者焉由茲以降鮮不得與
斯文澤及苗裔故七齡天授蔚爲聖師魯論收
達巷之章春秋列世本之盛其源遠矣自齊人
構難尋徙洛陽司徒策勲于漢庭刺史樹猷于
晉室居江陵者以雄詞推守婺州者以循良著
中丞二難休顯于唐學士兩葉修詞于宋文獻

項少微詩集序

一 墨林山堂

中原亦代有聞矣自洛京失守皇輿播遷評事
兄弟扈蹕而南族居旣異派流遂殊員外益衍
紹興之傳侍御萃開山陰之統嘉興之有項自
評事始也吾祖八一公博雅有文篤生廉訪累
世名德爲勝國冠冕迨入

皇朝先襄毅以文學振家聲以武功戡國難箕
裘簪組代不乏人而文苑儒林亦寥寥鮮託矣
自昔王氏以七葉重光侈談後世劉宗以聯華
濟美獨步當年然則不墜人文光我先業者其

在斯乎非吾伯兄疇能當之哉伯兄名淇字子瞻別號少嶽山人弱負奇表長蜚令聞藝綜衆長學該羣典始以庭趨習舉子業非其好也久之不售遂復棄去學古文詞尤嗜爲詩大約以昔之比興就今之轂律涵詠風騷憲章鮑謝而雅情冲融逸思奔蕩咸天真獨得非師資所獎時有舞雩詠歸金谷交會曲水脩禊南浦愴別莫不纖密奇秀度越群倫無之楷法妍媚草聖尤工每詠一物賦一景毫墨未乾傳誦已徧膾

項少嶽詩集序

二墨林山堂

炙人人固盛年已然矣中歲薄游京國推轂皆當代賢豪而拙宦不遭浩然有尊鱸之想間有抑鬱之意託于諷旨寄孤憤于寓言懷隱憂于餘緒豈其情見于辭者乎既而宅憂來歸遂厭棄生產日與朋儕舊好及我二三兄弟結社爲歡座客常滿尊俎不虛載酒問奇者夜以繼日江左風流建安雅致莫之能尚矣時吟壇所集皆南國詞英尤慎許可獨於吾兄咸推讓焉迨乎晚年脫落塵滓鴻漸卅紛割棄親愛蟬蛻物

外逍遙于桃里之墟寤寐于長水之曲蓬門華戶僅庇風雨山僧釣叟日與往還時有竹溪空庭雪淨禪室境捐俗染坐對天涯酌浮沫啣素杯甘茗代醪名香設供寫情摹景必於斯文則又思入杳冥歸之雅淡滋液瓊瑤之朗潤冲虛蓬海之清奇解境成文因文變象至于闡明玄理則妙契真如總一旨趣則頓開心鏡折繁音于孤韻貫清濟于洪流非其然者與季弟子京與兄同稟學詩之訓有交修之助屬藻競爽名

項少嶽詩集序

三墨林山堂

稱相亞方冀同聲互應以卒舊業而昊天降割不我憇遺季弟時旣免喪懼遺文之墜于地也爰與基恒梧徵四子彙次成編付之梓人惟兄卓思不群分韻揮毫隨手應去故所存者鮮今之掇拾才十有三二諸他論撰體裁稍備存亦無幾顧篤壽牆面不能言詩予京謂我當叙之首簡義固難辭也感悼音容惻覽華藻珠玉綴錯清冷自飄雖無片言可以屬和而次第諸篇并素所狎聞泫然涕下不能自收爰述先人俾

知所始傳之都邑庶幾不忝若乃表章潛德印
訂珍編俟諸大方吾則豈敢萬曆乙亥元旦書
于寶墨山居之蘭室



項公猷詩集序

四 墨林山堂

少嶽詩集卷一

構李項元洪 子瞻 撰

項元汴 子京 校

懷鶴為陳子作

苔蒼全覆逕松翠自為林月想高樓影風悲相和音
雕軒花嶼香僊馭海門深湯托哀絃操猶瞻華表陰

秋懷

空林清曙翠雲停合沓秋山當列屏階葉迴風金片
片巖枝拂露王泠泠南瞻氛祲通炎壤北望千旄肅
舜庭卻訝楊雄今白首日長寂寞太玄經

項公猷詩集卷一

墨林山堂

月下過高子元不值悵然有作

晴沙碧時帶重城氣肅銀河欲倒傾深苑鳳樓千竹
挺疎林月暎兩湖明宵寒陳榻虛鐙火秋暮陶杯阻
菊英耽卧不知離索久興來聊擬剡溪行

雙湖別業宴集

霽野含新潤寒沙帶夕陽雲連如島嶼湖並學鴛鴦
就竹瓊筵敞攀梅錦簾芳德星瞻遠漢高會動滄浪

守默山房 并序

守默子浮游物外得道忘言抱玄韜真沉默
自守卜居湖南聊以遁跡終當從安期赤

松蘿道遠六令之表仰瞻逸軌伸贈短章

默者其嗤余之多言也耶

丹霞錦嶼併成丘水面停雲翠結縵自愛冥樓窺石
壁莫令真氣動青牛窓含霽色瑤花滿几落寒香王
隨流朝市未能淹上隱逍遙終共赤松遊

觀朝雨

北風飛雨如塵埃灑閣沾林江上來似氣直吞吳越
澤浮陰全蔽越城臺虛堂弄色猶餘羽野圃含芬欲
有梅身世豈知雙寂寞逢時還喜聖賢杯

送陳一表兄就試南宮

項嶽集卷之一

墨林山堂

薊北官袍新侶儔江南草色獨牽愁遙從杏苑探花
醉更上春池逐鳳遊日月雙懸金作闕雲霄層起玉
爲樓相如詞賦初承寵握管含香侍 宸旒

新霽望所遲客

近市樓臺披錦繡隔溪鍾磬出氛氲胡牀晚據東吳
月鳥几朝開南越雲城霽含春催柳色林暄擬酒傍
梅氛臨江引領遲來客搖曳天邊雁幾羣

至日獨酌

天分中道日南至水落三江雁北來杯裏霞文如泛
綺雨餘雲氣自爲臺 聖王布惠乘時令太史迎

陽候管灰獨有梅花寒谷底參差稍待暖風回

同郁文芳過徐國儀草堂于時曜景初匿靈

雨旣零觴俎紛列陸博間陳酒如淮澠燭
不見跋狂嘯歡呼俄而漏下二鼓矣於是
欣然操觚染翰遂成三絕

錦溪不讓灤西村瑤館時開北海尊看劍雙龍翔赤
電呼盧五采躍金盆

二

翠屏珠箔暖相鮮鱸膾醇杯高炬然雨外金壺催漏
水花前玉麈坐談玄

項嶽集卷之一

三

墨林山堂

三

座上翩翩鸞鳳儔南州徐穉舊風流酒酣豪氣吞江
海咲倚蒙茸狐白裘

歲暮寄黃子朝甫

翠壁丹崖結構深蕭條歲暮養疴心中清嘯鸞鳳
語石上瑤琴山水音簾影乍開風稍入簾文新展竹
交陰方同戰勝投簪者聊欲攀翻叢桂林

雪後寄諸子華時諸子初婚

溪長搖水態沙淨雜雲陰殘雪疎蘭舫深杯遲竹林
梅交雙蒂玉柳結並枝金更憶層樓敞遙傳鳳管音

晚集江子池亭 并序

江子者江湖翫士也託跡羽林斐然有述
作之志終將遐舉遠適以母老之故尚爾
棲遲時 命下議毀祠宇意者爲江子驅

耶

落日猶含瑤草叢暮筵初敞望僊宮玲瓏石室丹霞
絢漭沉滄池銀漢通簾底互談霏似玉酒邊雙劍拂
成虹未將身世隨棲霍共解深城有卧龍

往余東遊海上逢逸士朱靜溪別去且十年
後見於半畝池亭酒酣道故歡然有贈

項鍊集卷之一

田 墨林山堂

滄海春風憶別筵碧山桂樹重留連掌中杯影千巖
日鏡裏池光半畝天歌咏應同白雪調著書不但絕
交篇 朱穆著
絕交論幽棲見說臨溪水沙淨鷗羣拂釣船

客有談西郭草堂之勝遂以詩遺之

郡城百雉控郊墟萬木扶疎繞屋廬湖並遙分天目
水地偏無似浣花居簾櫳日色朝還遲几簾山光暮
有餘樵李亭前芳草路唯應牛角掛殘書

落花成茵陶然就卧賦此

瑤砌日光遲繁葩辭故枝片片牽香綴重重若錦披
帶露微乘滑因風稍轉移正逢春酒困無傍綠陰垂

初秋送陳鳴野遊白下時聞 車駕將南

辛

冥鴻依止壘蒼隼樂南征王氣丹青接秋陰王殿生
地分江作塹山控石爲城願以梅花水沾君塵土纓

二

離筵涼稍入別浦月重新劍拂三山石帆移二水濱
吳宮開鳳邸舜輦動時巡嬾上相如賦應思張翰尊
見新月有懷

秋雨斷餘霏涼宵新月輝俄升疑壁掩漸遠學鉤機
蟬響停巖葉花光湛露幃茂陵消渴處獨卧白雲扉

項鍊集卷之一

王

墨林山堂

宴集錦溪堂醇引碧筒歌翻白苧谷鴛秋轉

溪芳晚榮既醉賦詩二章

雕欄臨霍逕畫檻俯魚梁樹雜丹葩滿溪分錦帶長
鶯簧歌外囀蘭佩舞餘香遽惜歡娛晚麾戈駐景光

二

狂追河朔飲興洽竹林遊日氣含殘暑雲陰澹素秋
王寒水益薄羽動水觴流更擬乘槎去還應待月留

月浦秋汎

假楫披襟導北渚牽花隨意涉南川月含霞氣千重
綺水映峰文百朵蓮歌外未迴青雀舫鷗邊聊敞白

蘋筵臨風欲附雙飛翼秋漢冥冥萬里懸

待月鴛鴦湖得涼字

沿月浮槎渺臨風翠幌涼情深聊夜飲坐久轉輝光
鷺宿終隨侶鴻飛不離行咏歌非點也更比向來狂
雨霽乘小舟汎龍淵涉鴛鴦湖而還

金淵臨墮日珠穴動蒼蚪迴轉千花雜川長一道流
雨連吳苑夕雲帶越山秋別向鴛鴦渚何殊剡曲遊

月夜同友人汎舟秋湮

野曠秋如洗舟行若在天流文風不斷桂影月新圓
夕潤沾花露杯寒湛醴泉遙將銀漢度莫訝客星懸

少嶽集卷之一

木

墨香山堂

二

弭棹鷗沙露鳴榔露渚涼漪蘭薰月席脩竹韻風簫
意洽遊魚出談傾秋水長纓塵如可濯何必在滄浪

冷塘詩二十韻贈周侍御

皎皎南州彥汪汪千頃陂日邊同振藻川上有遐思
垂象含飛動金塘淨碧漪氛氲浮爽氣瀟灑引寒颼
天接銀潢瀉波平白練披還應清可濯而與暑偏宜
自合滄浪詠休稱雲漢詩流澌如不斷積雪詫消遲
鰲戴瑤山島槎浮芳樹枝龍翔虛窟宅鵬運徙天池
吳越觀風日幽燕攬轡時星瞻熒惑彩驄避渥洼姿

柱下推周史臺端慕漢儀遂令鳴鳳跡長使白鷗疑
麟閣遙相待滄洲未有期苦荒三徑碧栢近衆鳥隨
霜凜沾巖壑風裁動赤墀真看濟川楫猶想釣璫絲
傳野王家佐礪谿帝者師澤深民未識歌曲答無爲

梅池

淑氣暖初回芳池併是梅池分天漢水梅出上林栽
解作鼎中寶還將鏡裏開遂瀛如可望玉樹倚瑤臺

湖南燈宴

晴湖風乍暖夕館月如霜燈燦千花綴屏深萬錦張
琴尊成語語梅柳入年芳自可遲歸棹唯應待曙光

少嶽集卷之一

七

墨林山堂

陳子新雨草堂春集得門字

西城薄暮移蘭舫蒼野餘暉霽竹門更取澄淵如剡
水還將垂柳比陶村留尊芳塢舒梅素展簾春沙淨
雨痕而景詎辭頽宴賞坐深偏愛燭花繁

星異

春王正月晦有星來自東卒傾井隕石橫度若焚空
建曙凌奔響移時耿白虹佇看初日景靈暄引飄風
霰集時有安南之役

寒違令序霰集欲春過稍覺珠垂密還驚玉綴多
魚風摧隴麥雜雨灑庭柯王師開瘴厲應爲肅干戈

囊梅谷作龍興蓋元夕焉今茲來也寒令疾

故事會必詩爰志離合

湖渚燈筵驚乍別市廛新火湯相逢花房佳氣含晴旭樹杪春聲激晚風白石空林玄覽裏三湘五嶽財遊中迂疎未許從蓮社尊酒還應共竹叢

余家有琴石委棄久之客過余請焉石也喜有遇矣乃其人不諳琴願茲焉好是亦志

在洋洋我我者遂欣然致其一侑之以詩

聲諧清廟質苦駁錦文深多君垂拂拭而我媿知音蘭邊鏗玉紫風處雜龍吟莫索廣陵譜但寄無絃心

項鍊集卷之一

八 墨林山堂

姚子移家松江二年頗有歸與之情春日偶

過席上賦此兼爲卜居

賦擬閒居興情淹叢桂林青山屏氣雜黃鳥有佳音玉葦含丹醴漪蘭淨素琴願言投分友長此晤幽襟

二

村樹湖雙遶林沙竹不疎還將桑梓里重卜隱淪居莊舄吟中思虞卿愁裏書扁舟尚留滯應復待鱸魚黃子竹中爲臺勿我醉也有詩勿我聞也輒

往嘲焉

曲池巖岫寫蓬萊華館朱樓相映開別向叢篁分小

墅重將錦石作層臺月明河漢當筵度風拂笙簧逐鳳回共道陽春能獨擅却隨下里和歌來

黃子山亭垂絲海棠甫開遂遭風雨亦咎其

未及賞

錦縷牽風散丹房雜雨深稍辭枝上艷已結砌旁陰顧此熹微景悵然遲暮心亭皋餘賞待鳥嘯晝沉沉

風雨憶徐子海棠

金屋春暉麗朱闌花作叢啼痕偏稱雨柔態不勝風葉潤纔分綠枝交却並紅應知歡宴處併在綺羅中

晚宴黃子朝甫花亭兼懷郁子文芳

項鍊集卷之一

九 墨林山堂

草玄已學楊雄僻載酒還過問字船晴閣含風披石磴芳闌待月敞春筵朱屏花結鸞章錦金炬光搖太液蓮每共酣歌淹夜色獨思消息滯幽燕

春日過諸子園居

天馬橋西湖水迴芳園佳雨數追陪花間鳥語和香度座上山光拱翠來細帙筠窓當畫淨紫毫華几傍池開深杯莫訝高陽會盛世還徵鄴下才

梧西席上觀妓連曉

梧館巢威鳳春杯促錦箏林青風色度沙白月華明梅向歌中落桃隨咲裏生方看投佩去疑作采雲和

二

杜鵑粧錦樹歌舞出嬌鬟月將歌扇並風逐舞衣還
湖水爲雙沼城雲當小山接離行樂地曉藹有無間

乘月過高子湖上別墅

湖光淡蕩淨林扉城堞平臨星斗暉朱利遙如雙鳳
起浮橋近作五龍飛鴛鴦渚上牽芳杜楊柳堤邊覓
釣磯興洽蒼苔華月緩乘酣應在夜深歸

雨中同陳白陽登樓

花間舞閣翔空出郭外歌筵面水開勝賞寧殊河朔
會憑高詎減仲宣才江懸疎雨銷炎燠樹拂流雲媚

項嶽集卷之一

十

墨林山堂

晚杯既醉徘徊瞻北極不知何處是燕臺

陸羽泉

金欄桐葉繞玉井碧泉回皎潔開奩鏡芳芬動茗杯
靜中窺日月影裏見樓臺唯有忘機者還應抱甕來

子王弟席上贈別嚴蒙齋

幽簪披芳檻琅玕映碧岑月華涼入夜雲氣薄垂陰
別袂調新響歸途夏正深紉蘭堪贈佩與子結同心

暮夏過子元草堂

徂暑平林雨乍收纖雲澄宇已迎秋含風翠柳宮腰
斷承露金蓮僊掌浮曄曄林蟬如度曲蕭蕭沙竹自

成洲還將宴樂耽斜景別向池塘著小舟

春谷詩并序

春谷者美春谷而作也虛陽吹暄樹範標準

跡存空谷謙下自居道並南山仰止奚及

故桃李舊燦絃誦播流欣覩舞雩之規竊

附風人之義遂稱詩述德成弟子之志焉

遲日丽晴沙芳春動物華鳥遷佳木嘯山暎慶雲賒

書帶虛巖草絃歌幽逕花祇應楊子室問字有侯巴

徂暑夜酌懷遠

涼颼初向夕爽氣遂盈庭雲薄綃爲幕山廻翠作屏

項嶽集卷之一

十一

墨林山堂

蘭英當夏馥梧葉待秋零引酌無相晤長歌動杳冥

待月徵遠堂醉餘復眺湖上

虛庭肅宏敞暮景媚澄鮮露葉圓如蓋風蟬急似絃
軒檻迎涼處山川命酒邊無須頻燭跋滿月正娟娟

二

班荆成野坐遵渚弄芳芬爲有濠梁興還共竹林群
湖平吞月色天迥盪雲文初秋聊晤會竟夕不辭醺

秋日小憩朱栖林園居

選地歌招隱幽居狎遁棲浮雲疑作雨殘照欲生霓
涼園雙渠映秋巖古木齊何能控玄壑暫以入青谿

舟中南湖翫月

鴛湖輝朗月文鵷麗金波山出疑橫黛魚浮似聽歌
薰葭秋色淨荷芰晚涼多即此成良晤不飲將如何

二

桂魄初臨望清光皓已盈沙虛如不夜岸白自生明
秋水無天瀉僊槎犯斗行冷然恣周覽風露肅澄瀛
碧梧閣同陳白陽晚眺

月宇臨芳桂星筵拂絳河遂投車轄飲無倒接羅歌
砧杵催秋急風煙向晚多春波門外路乘興數經過

二

項鍊集卷之一

二二 日三木四廿二

金閣商風晚丹房玉露秋月微弦影度溪淨練光浮
暫洽良宵款真成秉燭遊庭前有佳樹攀折可淹留

八月十四夜月

清宵秋欲半明月倍堪憐桂長隨輪滿冀垂待葉全
英英雲彩爛沄沄露光鮮庾閣成今賞西園懷昔賢

十五夜無月追憶往年白下之遊率爾短述

明月常年悲轉逢今年愁思復秋中鳳凰樓處梧桐
雨鴻鴈來時桂子風空外高峰標霽宇人間無路躡
蜚虹寄言孤夜浮雲道忍如清輝歟不同

春日吳江諸友枉過席上有作時

車駕幸楚

郊扉物候開韶月藝苑春遊追竹林柳拂盡舒眉黛
翠鴛來並奏管簫音投簪醉裡青山晚命席花間細
雨侵莫嘆東南共留滯遙聞 巡幸訪幽深

山樓月集懷寄朱夷白

陶尊芳醴湛嵇興素絃調筵虛偏受月樓迥直干霄
山籟衝颯發林花炫夜饒披襟延眺賞遙爾奏長謠

近山居

高館晴氛外羣山展簾前空中開翠障日下發金蓮
雲幙長含潤松窓不斷泉紛紛見鸞雀往往接飛僊

項鍊集卷之一

十三

墨林山堂

杪春同諸友登昆盧閣

錦閣攀依敞四臨丹霄延佇俯千尋散花往往迎香
靄清梵時時度遠音城引溪流縈若帶日披海島盡
成金共憐勝地開砥柱暫對春風款道襟

古意八首秋日贈別

煙霏欲散紫綃輕千朵芙蓉列錦明江曙佇看南鴈
度塞寒愁見北人行
妝樓翠幌肅初寒遠道龜風傍玉鞍筑獨只嫌嬌愛
淺壯遊不道別離難

金井蕭蕭梧葉秋踈鐙刀尺小牕幽朔地迎寒多雪

霰爲君深夜整衣裘

燕山秋望鬱氛氲越水離筵倦桂芬日下金鳬雙鳥

影腰間寶劍七星文

湖日含霞暎碧流蘋風夾岸颺蘭舟牽將蓮實同心

結妬殺鴛鴦比翼遊

湖南煙柳拂垂垂日暮攀條牽碧絲若見薊門楊柳

陌也應重憶別來時

代北風高羣鴈飛江南秋盡尺書稀到簾明月窺孤

幌入戶吟蟲趣暝機

玉壁金城勢鬱盤北辰不動漢長安定知麟閣封侯

貴莫念秋閨深夜寒

練浦汎舟

馬皇塘外敞芳筵橋李城南景色偏一浦平分澄似

練兩峰遙映儼成蓮沙寒楓落迎霜序月白鴻飛媚

晚天對酒縱歡猶未已移舟搖蕩杳登僊

秋日過樓林山房

僊臺寂歷含秋爽僻徑逶迤帶郭斜鳥轉互調風處

樂樹芳全吐月中花林開翠岫披晴檻水落金塘淨

晚沙清晝更欣頰晤對玄心應已入雲霞

晚秋宴集

鳳隱秋林鎖碧梧筵開別墅俯麟湖裁將雜米成花

華疊出青山作回圖

文牖丹楹遠綠渠北山窈窕敞僊居蘭芬已結幽人

佩石古還藏太史書

日霽雲披空翠深歌姬嬌鳥各成音迷花欲卧東山

石中聖長過脩竹林

沈約郊園遠俗氛右軍亭沼醉斜曛在藻遊魚紛出

躍鳴皋白雀百爲羣

千重樹色玉樓盤一片湖光生晝寒已覺槎如天上

出却疑人向鏡中看

露髻長袖采霞文獨立丰茸擅舞羣君看越檝千年

石元是陽臺一片雲

清溪秋水蔚藍光曲檻涵虛几簟涼四面芙蓉風不

動疎簾玉軫對瀟湘

煙堤碧柳萬絲長月渚金沙百道光直視橋懸烏鵲

外遙應路接女牛傍

玉洞冥冥蒸紫霞石門深映碧溪斜應知別境藏春

色瀉出流泉間落花

鷗絃鳳管出花間長夜厭厭醉不還天柱正憐明月

上蓬萊聊借白雲攀

仲冬十八夜集贈別

待月愴分離寒沙碧水湄離當茲夕始月比昨宵遲
冀墮方三英輪虧欲半規它時見盈缺兩地起相思

贈吳吳江二首

鴻來成斲聚鳳去杳孤鶩柳葉行邊色梅花別後魂
四水分江隩羣峰逼海門從茲稅歸鞅歲晚獨立園
滬濟元同水胥山不隔雲誰言居止接已有越吳分
白雪終稀和鳴琴斲罷聞唯餘一尊酒可以慰離羣

南谷爲吳初泉尊翁作

鄭谷臨雙峽天南動少微青山聊隱几流水亦忘機

東坡集卷之六

十六

墨林山堂

長日僊函秘薰風玉軫揮場苗雖可悅久與白駒違

雪夜過宿

草堂時高子初還

夜寒來剡棹幽賞洽梁園湖淨水爲鑑林迴雪作藩
柳條催臘變梅萼候春繁龍劍初欣合鸞觴復共論

龍淵書屋

言求黃鳥友載詠露斯詩淵近龍長壑湖偏春不遲
雪憐今下榻梅記昔攀枝晤對能終夕清銓傍酒卮

金陵送友還苕溪

喜遶江東俊言同白下游逃名耽酒市走馬過妝樓
七寶龍文劍千金孤白裘賓王多藻思康樂舊風流

花以繁絃繞歌將落月留長嬌燕樂少不道歲年道

晴渡迷桃葉寒城枕石頭六朝分擾擾二水日悠悠
羅綺餘殘樹鉛華盡古丘何堪懷愴地兼起別離憂
淮浦輕分袂苕溪趨下舟高踪孤鵠逝羈跡片雲浮
宵過經吳壘晨征指越州路岐成阻絕尊酒結綢繆

雨夜對水僊有懷

歲山非豹隱習靜類禪棲幽暢踈燈暖空林淒雨迷
幽葩寒獨媚麗鼠夜常啼還留三徑賞聊遲竹叢西

山房夜飲友至

上書欲老魏馮唐樂志空山憶仲長藹藹花香披淨

東坡集卷之六

十七

墨林山堂

几蒼蒼雲朶秘閒房城鴻南度蘆花動天漢西傾寒

夜央已道歡娛成夢寐不知淫滯在他鄉

夜期陳道復不至

偃仰碧山寒停杯待所歡傷牖燈長燦依枝鵲未安
逕荒滋露蘚谷應激風湍還期雙玉塵披對萬琅玕

古意二首簡徐秋門

君家滄海上妾望碧山頭暮雨蘼蕪路春風翡翠樓
調絃繁舊怨臨鏡結新愁何事長離別紅顏不可留
君心比流水妾身似浮萍流水既瀟瀟浮萍復盈盈
斲相成附託終期久合并忽與飄風會翻懸兩地情